

心嚮往齋集



心鄉往齋集卷十

曲阜孔繼鏞著

吳興劉承幹校

甲寅

于南詩錄下
已刻燬於兵

宿靈隱書藏憶心巢

綱常託扶樹黃鳥求友聲著書鑿門戶
鉛槧虛其生炯炯心巢子學不為古
盲治經準日用一秉儒者誠善足我師
保義實我弟兄山川道里曠松竹齋堂清
思之不可見夜起步前楹太息名山藏
立言先其行不為吾道輔白首夫何成

理安寺夢竹坪

餘生憂患多往者不勝弔交遊水中華深淺心能照楚
國章駕部節比孟貞曜自失石上松孤我不成蔦十日
宿山中累夕夢言笑君去豈有歸萬事一深窳搖落與
秋徂飛舞看年少風日遞相更傷懷述雲嶠

理安寺山門連理松

初地雙松古遙天一蓋青莫分枝與葉直是影隨形歎
我無兄弟因君乞袂苓孤桐江海上垂老慎飄零

松顛閣夜起題觀上人齋壁

萬事看松顛天涯月幾圓故人半黃壤高唱滿空煙百

歲林泉晚雙峰雲漢懸寸心明夜色聊復問枯禪

贈周瀛士二首

七世同門闕箕裘有替人天倫羣季樂家政一鄉春杞
梓秀谿遠煙波笠澤鄰少微雲漢隱吳越有垂綸
然諾交遊重心傾季布賢年華看物換友義得君全塵
海青瑣在空山布被眠勞人相識晚出處恨茫然

題通父畫梅

一樹寒如此春光幾日還坐憐河上月分照浙西山煙
壘兵新戍江城門早關眷言林處士風雪莫衰顏

與弢甫

攬轡紛紛命世賢悠悠王霸雜空元更誰與語狂搜古
無可銷憂仰笑天山水移家秋又晚風花過眼醉成眠
我來攜手滄江上母老時危各泫然

杭郡見陳子然悼其尊甫梅谿

暮年祗役東南天鳳山城郭錢塘前衣冠萃止盛儒術
故人之子今可憐滿湖秋水助窮餓三間破屋虞傾顛
昔時老鳳叫河上文采韜戢神惺然高閣官梅照杯酒
榮落懽愁今幾年關山吹角道路梗有家我亦歸無田
交期垂絕荒墳遠將我吟裏哭暮煙

東萬藕船侍郎朱莊

水亭上斜日一見素衣哀涕淚復誰贈林花空自開
聲連海濛歸計失山靈翹望卿雲霽珠星耀上台
遲蕉隱不至臨安西墅懷之有作

十日懷君望北風荻花楓葉阻煙鴻頗孤明月清秋夜
獨向蒼厓白露中曳杖每嫌林壑淺看囊一笑水雲空
得逢村酒狂成醉離聚懽愁任轉蓬

餘杭北郭至洞霄宮二首

南墅肩輿北出城朝嵐猶未霽山程短長亭子行人少
十里松杉水碓聲

洞天謫宦是蓬萊野興何曾損吏才九曲螺峰深翠鎖

隔林樓觀早飛來

夜過茗谿

野客不勝酒歡然倒玉瓶
水亭入暝黑煙路隱空青
仙觀月雙嶺漁潭火一星
谿聲熟魂夢宛轉似曾經

小憩三橋嶺

懶束雞鳴帶來看
馬上花不緣牽物役頗復愛天涯
穿嶺東西樹橫谿四五家
鐘聲偏隔水野寺暮天霞

餘杭山中過逍遙子墓

參軍爵里吳潘闔
片石荒墳倚洞霄
海外雲波分浙水
山閒魂夢偶南朝
當歌對酒皆遊戲
成佛昇仙等寂寥

悲切白頭金鼓在鄂王祠樹莽蕭蕭

雨中獨遊大滌山題歸雲洞石壁

高步乘九清樂飢事內景訢訢落莫中抱蕨復焉請萬
松大石上搖搖天之影將心與空翔日薄風襟冷靈雨
從東來一嶺鳳延頸紅泉潑我胸真想粲警穎翩翩許
華陽先我遺丹井洞天祕嚙黑野衲燭苦秉窮自得明
瑩遐不戚荒梗戾心竽向齋多事歌于郢腳下深篁煙

百羽嘒幽哽

天柱山苦竹鳴

籃輿洞霄歸仙塢在指顧來徑曾不逢失之碧煙霧豁

達相見懽了不恨遲暮深篁百靈羽幽嘒隔谿樹落日
與征人又向山城去

鳳凰山頂寫望寄子序江右龍門陝中

言陟八蟠嶺奇覽排衙石當日宋苑囿今日城南陌吳
越此屏藩遊衍錯金烏洞溯金星題泉粲郭公迹攀蘿
出澗陰奮袂踐岡脊來烏接鬢鬢去雲不尋尺靄飛城
翠重練淨江流窄我來非夢魂展對儼夙昔最勝無久
留寸睽萬愛惜藉藉延陵子高步蹇風翻江充古奇士
猛氣復何益廿載看明遊在賤交有擇榮落天地間肯
受物變易蹉跎鐘鼎期或有林泉適出處兩蕭森矧此

戎馬隔豫章密煙戍鬪隴暗遼掖落日不下地四山暝
將夕吾生將安歸歌歎此陵澤萬里暮天青一寄寒濤
白

琵琶鳴小松

臨安路轉琵琶鳴疑入蘭陵罨畫谿絕壁小松多似竹
高泉曲澗淨無泥荒鐘隔水空林滿嬌鳥如雲夾岸嘯
直欲就山安石屋不知身在武林西

道出雙林山遂竟其勝

西上浮玉山言假茗谿上谿上兩翠螺高我百千文有
見總多情離者自疑謗騶子成我懽遂乃窮幽曠寸步

千嵐中此獲虞彼喪貢茲萬妙心靡得助林嶂巉巉近
暉亭夕崦敞東向起伏吳山雲天海續宏放載愁百年
中疇能久流浪江城多故人慷慨濟忠亮開閣酒如澗
遲我洗塵瘴

宿湧蓮庵不寐有作四首

天地無與適汗漫事幽討四顧皆青山白髮一何早悠
悠百年中作息半顛倒道力視所受窮賤爲吾寶古有
召平瓜世少安期棗蕭散兼憂虞臨風送懷抱

昔我覽太行東更陟秦岱物情尙矜侈各自雄其概志
士坐蓬蒿一室守明晦離離簷際松亦復有千載遠遊

更何益山野羨鋤耒兵氣不可銷川谷助悲愴

放論心靡所愚者身百舒聰明有實用誰願爲樵漁是
非久相錯安足存毀譽白雲長薇蕨乞我山中居一世
不相識抱膝歡有餘世路昧曲折曲折將焉如

天目下峰路十里松穆穆初地憫勞止松下留精藍殿
角斂珠斗嶺月開西南暗木蒼雲白天半浮曾嵐石閣
夢清醒夜氣迴空潭寄語城中人在野窮能堪

霽泉橋石壁

西邁霽泉橋回首見石壁沐浴古煙霜羅羅出潔皙摺
疊雲爲之巧弗假搜剔夤緣綴山藹丹翠不勝摘靈室

迴浮空無路寄緇錫中有羽衣人馳想得眞寂攜我明
月中臥雲吹鐵笛恂恂不可階契之以良覲

夜發雙谿有懷小山廬州

谿聲西瀉餘杭月海色東飛越渚禽愁外夢迴迷舊業
山中老去幾同心苦思小友眞吾友還向淮陰問汝陰
年少從軍玄鬢改料應越石有哀吟

石屋山懷靖卿

煙波愁故國雲木尙天涯一雨發泉脈滿山開葛花壺
觴懷獨醉兒女動長嗟寂寂吾園隱虬松落日斜

門嶺乞山人飲

寰宇結人氣一世求盤殮野人不相識歡喜能相存竹
樹展煙眺一嶺山之門雞犬歸其家亂石天邊村

半山亭見白鷗

高風不受物萬象倦乘空一羽譖天外孤飛夕靄通坐
憐霜鬢短相對翠微中擇木求棲止蒼涼落照同

獅窟弔開山禪子

山與鴻荒古山僧來已遲我窮山上路見爾墳頭枝早
達歸藏理難爲締造時白雲復何事日夕向南馳

朝陽洞

陰厓日上時萬綠影參差樹有漢唐氣雲能虎豹姿願

求窮壑隱忍割故園思百口霜笳外秋深去雁遲

眺活蘿庵

萬木天無曉幽棲未死魂客來隔重澗鐘動更黃昏至
闇藏羣有無生盪六根卽論清淨理還勝五侯門

斷公塔院看山果

山僧不死氣化作虬螭枝枝上子纍纍夕照明荒祠高
風石壇靜晚木青霜遲零落有固然順葆無生時

普同塔院贈了一

一逕造松頂石屋雲泉幽山僧氣充悅一世如無求山
僧豈無求求乃不可得終日坐懸厓不盡南山色

牛眠石
日夕見歸牧
磬磬出薜蘿
荒山此蟠屈
風骨太蹇峩
四野羣狐嘯
中原戰馬多
無田歸計晚
日夕奈愁何
藏雲塔院小
坐復登飛雲
閣懷平齋

求茗煮石泉
倦極一震慨
松響出襟底
雲彩流楹內
行子百事迂
陵澤惠隆貸
上征靡延緣
內景了通闕
鐘聲款天光
一白洗蒙蔽
努力得晴閣
契闊召芳曖
之子煙霞人
奇秀失佳對
薛逢厄塗抹
王鶚限賓倅
一世豔金紫
夫豈君耽愛
何當共心賞
相與豁眉黛
言歎風蘿中
手鏞飽山菜

剔鐙庵

端合幽森死無鄰
向此家交遊
拋鳥道
歲月數松花
石語盤谿水
窗留過嶺霞
一鐙窮谷裏
青燄照塵沙

題中峰幻住庵

不到不知幻雲根
挾石飛一泉
高不落萬古
忽如歸日冷
猿長嘯
松彫鼠更肥
孤僧貪午睡
防虎插荆扉

過六松巖

腳下萬煙壑
天邊幾石梁
晴松藏雨氣
百藥助泉香
境每求深
誤心難過險
忘山林非夢幻
何事覓丹房
西方庵卽玉立亭
故址在玉峰頂
緣危磴造之坐懷通

命車求舊轍酌酒思故杯愛人以真賞魯侯天下才少
小兩徵逐一意無嫌猜十載蹤跡遠霜鬢同塵霾吳越
靈輿區髣髴翔蓬萊升高覽眾妙舍子皆凡胎碧雲覆
大壑秋風吹孤臺上有飛曜白下有鳴玉哀九苞金鸞
驚苦竹何時開西北方用兵道路連黃埃我輩俟時會
奚暇爲身媒淮水在天上徒倚雲鴻來

老人巖石徑追悼包文慎伯因寄熙載揚州

奇慧重所生道藝事窮覈剖判百家言期與古不隔江
東老布衣言當求行適齊民養先教治術彌精擇拙宦

不拙學沒世人愛惜扶風吾道東北海有心獲八體衍
書契餘事傳波磔流離缺負土往往淚承席淮海賊滿
山流血坡塘碧戈鋌薄光氣文字冷巖澤不死坐蓬蒿
餘景戀衰白人生趨一飯各有素餐責屹立風霾中再
拜空山石

仙橋西南求龍池酌之

百體厭周旋與山結形影翩翩城闕來煙岫就淒冷
石爲橋梁乃在萬峰頂一沼相因依潔瑩出萍梗此境
誰爲之峻極得幻警風定散空聲雲開冠世景寸物無
我私萬象絕祈請愚已近自然慧不假猛省莽莽縱所

如一白海天永

天目絕頂北望燕山寄懷潤臣杏農述齋古廉諸舊遊
都下十首

去國僑楚州廿載閱煙水川路今彌長形影萬山裏山
中非我家雲木隨臥起猿鳥看炊煙一飯飽清美
八埏寄杖履佳哉此嶮巖天風壓山氣大木無翹枝萬
象出其下崑崙高無危動靜兩相倚石與雲參差

一笠戴青天腳下更無上萬山如墳邱人氣代相葬昔
升燕西山家室東南望燕山渺何方心目接僊仗

宸極端垂衣節鉞半鹵莽羣盜縱復橫吾生將安放耳

目多異同軍聲一惚恍萬事復何爲所歷有飄蕩

靈羽翔上國夫豈不懷歸歸亦無所向還傍君門飛

誰謂九重深豁達開黃扉湛恩飽麟鳳天下瞻光輝

漢陽葉仲子能使風雅尊十載不相見視我猶弟昆驅
車覽太行每出延秋門升高望所親日落珠江昏

容臺式九有文武道相宣吉甫能作頌寂寂江漢篇昔
日與子俱馬陵山之顛黃河今北流道路多戈鋌

瑟瑟吳江客玉署翩雲翰李侯爲世重清約人所難浩
浩一江遠耿耿同門歡相思如循環誰復知其端

川阜閒南朔日月徒相看一身各自愛不救飢與寒石

梁在山頂雲霧爲波瀾赤松不我逢兀坐空三歎
大澗裂山骨琴筑作高樹其流明且清是我下山路歸
塗秋已深風水凜寒返行藏不二心勵節保貞素
與天目老殿僧藝蔬

野衲不識字無心卽道心客來求竹石爾尙有山林雲
臥荒鐘外泉酣大壑陰遙天過一鶴來對我孤吟

雲山謠九首禪源寺中作

青山橫復斜流水動成故生晚無百齡能禁幾疑誤
百體重山嶽寢食非云微一鶴出雲外四海將安歸
大化無二三君子有同樂馳驅厚所私自待一胡薄

卅年在顛倒多少暮天霞偶得山中路來看谿上花
踰嶺不逢人天外有雞犬肝膽贈松杉搖落吾其免
巖棲發明妙樵牧在上頭我身墮雲壑乃多山外愁
高空雨露多野寺發花藥雲不在鳥外泉不向山腳
精藍致遊鳥日落轉悵惘荒山不知名披雲成獨往
木葉雜紅紫空山秋有春今日來何暮白雲能笑人

天目古杉歌

峻極五十里十里青杉多多於山中煙大者搖天河薦
蘿帶泉流小者千百尺是誰劖雲根離離出大石萬石
一莓苔見石不見土木石誰後先茫茫問太古旁枝橫

過嶺其上無鳥巢雲藏不見頂風靜聞笙匏山民斧其
利對面爲盜賊山僧不敢言其故亦可得山脈來新安
飛舞向錢塘大木表形勢枝葉天扶將官家不設守童
童日垂禿我來已後時猶見半山綠人生自爲壽摧折
胡可量墮身亂離中心短悲歌長

龍頭谿

晚歲嚮道耳根潔鼙鼓震撼纏悲思寇至頗聞隳城邑
隳者不聞一拔之松風坐我面絕壑一條碧玉吹參差
吁嗟天樂爲誰作半日山中无悶時

霞坑

霞坑東下路盤紆
洪谷河陽此畫圖
石枕泉渦留翡翠
風連松蓋走鼯鼯
晚花翳竹憐丹碧
高寺藏雲定有無
鼙鼓催人天北去
再來煙景莫榛蕪

於潛山中聞猿

千里看山落日低
五年哀角與酸鼙
江頭行客眠難穩
更聽猿聲浙水西

甲寅中秋宿天目上院與六公同作

清宵襍被山中寺
攜手看雲惠上人
海國風濤生鼓角
天涯杯酒入煙塵
亂來萬事誰能料
身擬長飢念可眞
五十三年秋又半
石樓對月轉傷神

紫駝嶺紅葉

年年看紅葉十月潤州山
兵火無冬夏林巒改面顏
孤遊求木石老筆代荆關
天意憐顛頓煙霞不我慳

青障山田家

松蘿結屋煙嵐隈
婦子雞犬同莓苔
坐客門闌叩邦族
疏質有禮無疑猜
客亦有家隔雲麓
林壑滿眼愁滿腹
萬里關城人晏眠
樵汲山中死亦足
初與甘巖有浙西之約
念之餘杭山中

蒼翠坐山閣時見孤雲飛
孤雲天西北念我何時歸
生平愛閒寂忍說簪纓非
戎馬迫驅走陵谷相因依
遊覽

在平世肯使同心違誓將一片石他日連漁磯青山入
君夢江路煙霏霏

高村曉霧

已是出村晚苦霧滿人閒隔手不相見何獨於潛山白
雲彌浩浩黃鳥徒關關躑躅盼晴旭何時一破顏

中嶺社至下峰

竹澗奔流曲杉橋細路分蒼厓遲上日深谷苦霾雲身
世桑麻遠東南婦子勤潛悲江海上秋晚尙懸軍

逕潘村嚮逕山失路緣後嶺始造聖興寺

鹿町雜樵蹤石道莽叢夥求高不知捷此行一何左瓌

瑋利嶮艱卑庸就帖妥我生秉自然在遇順升墮歷歷
餘杭州萬嶺儼蓬顛拔地湧諸天芙蓉冠七朵穹虛八
千尋殿閣款靈瑣眞姿雲爲衣秀骨石不裸風葉不見
日十里篔簹裏卻曲攀巖來後先各羸跛輿御舍而徒
十步九慵坐平生倚雄強騰邁無不可旣竭惜腰腳不
復輕磊砢屏息松門陰看人拾山果

宿逕山藏經樓夜起書示六舟

旌旂蔽西日浮梁連歙州小醜困漚上北望攢戈矛一
山天東南雲鳥如無愁身從賊窟來登此山上樓山門
矗碑石姓氏前民留趙宋建隆閒帝子逍遙遊眉山蘇

長公書名兼子由時平物暇豫地謚人宴休我來不得
臥強息仍開眸竹木搖萬壑天高風颼颼白月江海寂
永夜關河悠一犬吠山巷使我心煩憂兀兀支遯叟身
家非所謀攬涕共枯坐鳴泉岳下流

松源庵懷鞠農河上因寄桐舫江西

聰明復何用造物豈自主念子此前遊宴笑生悲苦死
生有固然過眼事如雨後先相翱翔不獨吾與汝一嶺
杉四圍涼翠向窗戶几席天人通山閣落雲渚黃河改
故趨四海方用武金帛吏之仙萬感冷玉塵豫章渺何
方大江蔽旌羽遙遙煙中鴻淒斷竹邊塢

逕山雜詩十首

梅谷

竹塢冷無煙殿閣闕蕭索石院不逢僧松風墮檐雀

一鐙庵

岩堯際空曠無復四山影小鳥嘯叢篁斷碑出蔓井

寂照寺

蹉跎求樂土垂暮過山家日上鐘無響一僧鋤藥花

天掌峰

兩峰側相撫五色煙參差高高不我援絕壑煙深時

瀉玉巖

不空亦不住無滅復無生我來石上坐誰謂雲無聲

浣雲池

溶溶萬山顛挹注愁如酒空明不敢窺愁亦余心垢

雲筆峰

筆星耀天上世儒真可憐我已苦識字莫更揮雲煙

彈巖

苦心求真聲絕壁有風雅琴曲世人賤矧乃君似者

靈雞豕

萬彙具一靈人禽其有那生年多智慧碧豕高差我

喝石巖

仙人一棒喝翠巘羣靈來我歌人不聞苦霧何時開
餘杭東墅與吳琴伯別

世路多搖落交情識始終荒城流水住孤笠萬山通望
古徒高詠臨歧贈固窮蕭條江海上戰馬正秋風
署家書尾示稷牧兩兒

遠念汝兄弟晨昏傍祖慈湖天望征權煙樹隔南枝重
以軍符急翻成客路遲看山當此日直是可憐時

題錢塘驛

茫茫江海會吳陵生事相循未可憑天恐勞人眠不得
東驅潮水向西興

題蕉隱畫菊

水驛煙橋厭鼓鼙寒蟄明月草根嗁故園亦有荒籬在
千里看山浙水西

題棣生畫蔬

滿天兵氣未摧殘老圃荒畦一味寒熬過三冬冰雪盡
家家歡喜薦春盤

歸懷二首

錢王祠樹繞菰蒲鴻雁秋通范蠡湖地有林亭江縣好
身無兄弟海雲孤關山滿眼仍兵戍煙水初心豈釣徒
一櫂悲涼迴短夢莫教風雨故園蕪

滔滔江漢逐流蘋垂老關河空問津明月晚山還伴客
秋風遠道悔離親少年薊野曾驅馬今日雲臺看畫麟
掉臂歸來任枯槁功名原不羨蘇秦

與汪鐵樵

勳闕孤忠胄葉開撫時自遣仲宣哀一生信有老衰白
半畝未荒歸去來殘蠹叢編銷日月怒猊健筆起風雷
相看欲別誰能別斜日山亭濁酒杯

伯平招集法藏院書示諾上人兼柬伯平

鳩摩事翻譯三乘物中土誦誦一切經榛榛匹策府魯
壁出秦餘淵海不勝數熙朝闢四庫宸府邁隆古分

頽天東南孤陋便攻取粵寇毀金山揚州入干櫓延閣
舊鈔藏蕩失委荆莽吁嗟老頭陀勿葺類酸腐苦心掙
一藏悲哉用力努九州半被兵一世競用武大帥擁貔
貅長江走貔貙載籍官司之厄且罹醜鹵矧茲貝葉文
煢獨守蓬堵聖賢糟粕存嗜者各門戶顛危不中用儒
術慚公輔二氏復何爲智慧將焉補夕陽斂山齋高木
見棲羽有客醉還醒無言揮玉塵

偕伯平吳山坐眺示其仲子明恂

大江日欲墜攜手升吳峰君子有好懷幽曠能我從瑞
石遞明滅青霞無始終宅中俯遙巘百峻猶附庸鹽官

海一髮霜氣明魚龍西眷六橋水木葉紛溶溶迴塘讓
江汜蘿石周長墉青蒼百萬家人語如寒螿度量各相
越卑者難爲崇嶽嶽高仲子負劍陪仙筇懋德勉艱鉅
圮事基疏慵方今急求治江上多嚴烽無爲學父執野
老嗙龍鍾

題三潭

余與伯平眉生夙有三潭之約出處羈孤勞其
如兩甲寅之秋不期咸集時浙西亦有寇警歌
以志之亦弗
勝其慨已

散不成歡聚亦愁風荷水檻夕登樓暗山寒雨來何處
爭向杭州望歙州

湖上送吳棣生

吳郎癡絕走風塵設色雕蟲亦有神
憐子未曾經遠客
愛余宛爾傍家人
深秋越嶺來紅葉歸權吳江已白蘋
遊子解裝看顏色煙霞分獻白頭親

送李子喬

嶽生

候潮門外水如天
顧影臨流非少年
我輩無聊亦常事
君才如許定誰憐
半城葛嶺林端月
一夢蘭陵溪上煙
此別不須重悵悵
亂離何在不悽然

和弢甫金陵感逝二首

湯雨生都督爲弢甫作驢雪看山圖并系以詩都督旣殉難弢

甫依韻哭之

受命有終始
堅心識去來
不貪垂暮活
信了一生才
嬌

女隨泉壤良朋哭酒杯人閒縑素在雲漢與昭回
冷眼看時局昏昏合甕頭轉移仍節鉞嗚咽自林邱寇
尙環區滿名先太室留西州誰忍過腹痛紀前遊

留別子凝

高樓南斗正闌干煙外愁懷海國寬
世事未能韜我拙
歸心祇覺別君難滄波畫角連天遠
桂樹金風一夜寒
北去毘陵誰故里爲傳羈旅尙平安

答弢甫見投贈

鬢邊霜雪半縱橫杯底煙雲百變更
吳嶺荒鐘城郭夢
錢塘殘月鼓鼙聲
榛蕪未翦千愁集
溝壑相商萬念平

離聚如今非昔比莫從憂患悔多情

望湖樓留贈桐君十首

拄腹吳山美棲棲向暮煙半生遊每誤一笑悔成顛行
旅過秋閏兵戎換昔年主人遲客久懸榻萬峰前

欄楯落天半披襟健倚風市聲多在水山翠迴浮空意
與雲千疊狂銷酒一中昇平託高厚厭溯霸圖雄

百粵屏荒服三吳絡具區望回天北極愁絕海東隅世
運看旌節生初負矢弧湖天聊臥起不信有窮途

紅葉復紅葉霜華知幾重官程乘野興老境盼春穠北
苑吟邊畫南屏雨外鐘崎嶇筋力在何有最高峰

蟬戀迎寒柳鷗尋未盡
湖光隨物換山氣過江多
哀樂纏蘿葛心情各澗阿
臨風渾欲臥起歎復如何

別浦垂虹雨危樓大石苔
夢攀蕉葉舞禪趁木樨來
善解翻多恨能空亦費才
岸巾與步履安得此林隈

何日山能買逢人借草堂
一隅泉壑邃連鎮羽旗長
盡室鄰凶鹵維揚半戰場
江城舊池館一例薜蘿荒

世路龍蛇混遊蹤嵇阮豪
石牀調軫逸山巷閉門高
爾我非飄梗功名忍濁醪
萬千不平事來聽廣陵濤

中夏紛鉏寇高穹未棄民
拯危憑任道寡術乃憂貧
望古幾同調傷懷自隱淪
空慚余執戟誰伴爾垂綸

苗格陳干舞山寒甘蕨薇故人能用拙吾道未全非相
約還成涕堅留豈當歸大風吹別夢遙傍虎林飛

飲陸定圃同年

以浙

衙齋醉中留別

東山游釣暮雲邊經典傳家媿汝賢莫歎無衣聊卒歲
共憐有母傍餘年荒衙鮭菜新醞醪上國鶯花舊管絃
廿載夢迴江岸曉鷗波浩蕩接烽煙

別姚仲芳

若

夕客理煙艇聞子病在牀不能走相別相思胡能忘子
有萬卷書而不城居藏輦之萬山中時事增慨慷贈我
柴桑編此意一何長我無五斗儲乃不求稻梁亦頗惜

腰腳垂老走川梁
人生不相識多情徒自傷
去去載君意山路迴悽涼

錢塘別句生三首

昔別廣陵郡飄零君未歸
江天愁不展城郭事全非
百道輸金盡長圍戰馬肥
東南幾烏鵲巢壞傍人飛
于役來吳越江頭喜見君
翻然俱下涕感不爲離羣
斷雁沙邊雨繁筍水上雲
故鄉多野哭江表未移軍

此別難拋我君歸殊未然
三年潮破夢兩浙石浮天
病氣幾時減看山亦可憐
來宵石門月眞隔武林煙

留別六舟

海國秋風約山窗十日眠問形忘物我當別悔因緣草
本延生致煙波戀畫禪東南魚鳥靜好伴爾長年

將歸江北留別沈朗亭學使

秋晚遠行邁海國逢故人天涯久搖落回首東華春鸞
鳳在天上焉識萬古塵塵中氣孤岸磐石高垂綸寇至
忍家食一劍眄九垓手枋無尺寸徒爾走踐踐行當脫
簪組還我長淮濱進止際患難離聚齊酸辛君子圭璋
器早充清祕臣藉藉六曹長衡軸參機鈞掄才崇四術
秉節馳朱輪盜賊之所藪教澤之所堙民氣根士氣世
運誰陶甄休文本善疾野王偶乞身不歸辜所守夫豈

尋菰萼古巷滿車轍臥閣開叢筠不廢琴書御偶接鄉
里賓太息飲我酒惻惻其言澹人生寄一世窮達同浮
蘋流離在身內孰非畎畝民大道善救物下者爲隱淪
斧柯不世出當路愁荒榛門外苦難開大耳
錢塘舟中寄遠五首錢之夏眼封雨哭不衣念坐時京

道州何子貞學使四川

久遲黃門捷頻增大將壇世途今若此蜀道豈云難江
漢愁雲滿岷峨碧月寒輶車京邑遠忍復故園看貝一
寶應劉楚楨令三河

畿輔連烽燧江關盛鼓鼙宦情極搖落歸思轉低迷來

日春風遠餘生夕照西養親求一飽何處買霜畦

桐城左逸民隱居清河浪石莊

遙遙白屋晚寂寂黃河濱放眼天地窄看君懷抱真一
卷野雲暮千里平田春未應旦夕死好待南山鄰

上元梅伯言戶部

往歲金陵破傳君惡耗多良朋徒爾哭不死奈生何京
國此身遠文章與運譎白門仍苦戰嗚咽大江波

桂林朱廉甫給諫

殿上朱雲直天邊賈誼哀干戈何日戢歸去望君來不
見離山月難忘燕市杯孤舟幾同調鷗鷺與徘徊

煙雨樓

水國已涼秋征人在秀州菊花開野店櫛葉滿山樓是
處容沙鳥何年此釣舟歸懷勞日夕風笛起清愁

宿西水驛

黃蘆哀雁徧征途羽騎連江客自孤夢裏是非憑列子
人閒得失有潛夫幾時羣盜清三楚準買扁舟下五湖
塵土簪纓猶未脫隔江鷗鳥任相呼

嘉興郡博周未庵

栻

留飲衙齋卽席賦贈

重九遙期客到家紫螯黃鞠尙天涯詩書吏隱能遲暮
談笑壺觴有歎嗟往夢忍拋三輔月斷雲愁憶八閩花

廿年余亦同顛倒來日離懷況成笳

與曹山彥

歲月宋人虛刻楮高明揚子亦雕蟲同文法物前民制
千載名流一技工餬口君平謀旦夕傷心伯道任窮通
秋風落木寒江遠我亦天涯逐斷蓬

夜泊嘉定郁港月下述感四首

昨宵山影認夫椒歸訪吳淞路轉遙北斗一杓猶吐餞
具區五派此乘潮偏鄉舊是詩書窟小醜今煩撻伐朝
夜色南天瞻滬瀆紅旂白舵海雲饒

隔壠人煙簇市樓石梁沙岸晚橫秋天中積氣二更白

海上輸金一水愁
客枕自醒無過雁
兵船相狎不驚鷗
漁樵歸計知何日
戎馬書生早白頭

咄嗟萬事託高閶
近寇依微有堠防
日上臺更津卒臥
夜通魚鑰水關長
東南權酷開淵藪
華夏綱維孰主張
賈舶縱橫煙市暗
戟門鼓角轉蒼茫

古人一一去山邱
大地茫茫安所求
自笑人中眞贅物
每從天外覽神州
窮愁詩史悲工部
功業神仙讓鄴侯
遠樹空濛寒月落
任從野鳥看扁舟

上海竹枝十六首

西北吳淞一綫長
縣門黃浦對斜陽
邨亶水利從頭考

市舶叢居古上洋

六鄉舊割古華亭天遠斜連島嶼青往歲魚鰕連海氣
東南風起一城腥

樓閣如今列畫屏鼉更鐘鼓碎東丁紅旂高揭海西岸
新起英夷領事廳

夷居畚築日紛紛四野悲嘯吏不聞老館旁邊添別館
舊墳平盡掘新墳

莫云識字便爲儒名教綱常道義扶仙佛二宗攻不盡
更添一箇是耶蘇

先聲不數佛郎機吉利英雄力漸疲海上一隅羅部島

富彊今欲首花旗

修軀廣額細鬚眉
譯教東來茂厥詞
拍手逢人通姓字

慕維廉與麥都思

醫院懸鐘與屋齊
鳴鐘人集午雞鳴
局方以外傳叢刻

全體新書出泰西

海鄉月報鑿空談
十二重天說蔚藍
一卷通書尊正朔

上編中土下西南

怒足奇毛猛控韁
短衿窄袖錦禪襠
懸金賭勝門題牘

九月重開鬪馬場

湖州絲價賤於麻
湖口今年頗出茶
換得火輪船上土

不須更種米囊花

聖祚龍飛木虎年羣狐嘯聚一城煙爲全玉石稽屠戮

釜底游魂并可憐

列營南北騎如雲日日相持到夕曛不是官軍甘縱寇
何曾寇不怕官軍

赤幟城頭賊燄驕月明城下客吹簫一邊商賈一邊寇

祇隔洋涇一座橋

波斯巧飾列奇觀百貨交通市語歡街道寬平城十面
人無土著土無官

三百年前唱竹枝前朝顧或播新詞我來歌哭無人見

付與沙船鶻栗吹

吳門遇王容甫

至權

二首

憂時我亦同王粲無意人中得葛洪
便擬同心求退壑不堪萬事苦飄蓬
飛騰早讓青雲客搖落誰知綠髮翁
試上靈巖高頂望半川斜日戍旗風

精研道力敵憂患翻苦虛明解脫難
晚歲無家役戎馬嘉雛折翼泣鴛鸞
何年碧落妖氛洗十月金閭野渡寒
願見昇平留櫟朽與君聊乞大還丹

楓橋見菊花

渡江一百五十日浙水西南空
看山歸路金閭波瑟瑟

晚風玉露菊斑斑半籬秋色湖邊好千里家園夢裏攀
萬事蕭條浮艇去傷懷重慕野人閒

題黃石舫天都蹋翠圖二首

我昨登天目西雲不可從夕烽橫斷嶺勝概讓仙筇去
日空嘖鳥君才偶蟄龍故鄉林壑美野興不須濃

旅櫬悲山叟忠魂泣故侯

包丈世臣湯丈貽汾圖中皆有題句

寒煙留贖

墨落日滿荒邱忍負看山約何時免客愁芙蓉青在眼
腸斷暮江頭

吳門別伯平二首

看山聽水耐煙塵旅恨區區孰與陳不是苦心誰識我

可憐無地著斯人
澆愁信手千觴蟻
抱道隨身百結鶉
照影臨流無別語
雲天空洞寫吾真

送我杭州復秀州
金閶門外更扁舟
半川星月留今夜
四野霜風入暮秋
莫歎浮生空識字
幾人抵死覓封侯
飢窮我輩尋常事
戰伐中原不肯休

已發芙蓉湖寄題惠山

津鼓催船趁北風
高樓留客憶疏桐
豪雄一世歲華晚
雲水滿谿山葉紅
卷幔關河霜氣入
壓牀杯酒雁聲空
誰知絃管重來客
依舊滄浪一釣翁

蕉隱同舟江南五閱月
旣還江上作柳雪來思
圖詩以

志別

野籬寒菊漸無花
昔日馳驅正及瓜
遠道不辭霜滿鬢
傍君渾忘客離家
夢迴水驛笳吹月
路繞江村海漲沙
莫更逢人商出處
燈前小別一長嗟

沈浮身世等扁舟
半載相尋海上鷗
雁影蘆花逢小雪
狐鳴篝火尙中洲
隨身宇宙貧交晚
動魄文章老淚流
遲爾城南三岔水
旌旂影裏再登樓

守風孟瀆四首

野雲不可盡明月
上江波那惜年華
晚空將歎惋多平
生誰與贈輾轉若
爲歌戎馬求生活
傷心劒暗磨

諸將愁深壘衰親倚暮年窮通期有用溝壑忍空填亂
石泉爭澗高雲鶴去煙出山聞道晚風軌愧前賢
霜結孤鴻響風生萬馬塵鷓冠空論道麟閣不無人
鼙鼓仍中夏梅花又小春肝腸堪底用元是腐儒身
風阻年年慣羈人戀野橋山平紅葉路船聚夕陽潮
戍改江村舊愁聞米稅饒官程催白髮霜色滿漁樵

守風三江營

扁舟如拙宦行少住常多萬境能心遣長風奈我何幾
人看落日幽谷有春蘿相對忘身世浮雲與逝波

江上憶稼軒

子味如中酒年年不去懷中原兵未息好友願多乖歲
月一官晚冰霜兩地皆尺書愁未報鴻雁滿江淮

舟中述懷寄冰叔四首

歸櫂不知遠天寒苦憶君開顏應有日執手復何云山
好麋吾友秋空雁與羣不堪逢雨雪郊壘未旋軍

紅葉寄孤賞青霜亦自求眾人固不識於世本無尤急
雨塞蘿晚窮漁竭澤愁鮫人江海去空有淚潛流

大木古頽放喧鴉何是非智從更事益老喜受恩微潮
滿羣流合煙深一羽歸寒江有靜理白月冷輝輝

卑處豈無擇飢驅還自嗟小人皆有母之子況無家成

船寒吹笛江冰曉作花昇平娛昨夢迴首看年華
歸舟至揚州石琴自軍田來既見有贈二首

睢陽風烈蕙麟臺至性鵠原集百哀避地一家愁裏活
招魂千里賊中來雲屯虎旅平沙暗水落漁梁夕照開
遲爾征帆留北郭蕪城猶未翦蒿萊
巢父低徊復釣竿亂離進退苦漫漫山林信有同心樂
兄弟何曾異姓看破鹵幾時聞鼓吹餘年有地願飢寒
平生持贈無人見一劍牀頭血淚乾

揚州哭孟詹

天涯感離索迴櫂喜揚州爲覓壺觴舊翻成涕泗流別

君當溽暑與我話滄洲分手雨雲絕傷心門巷幽河南
服子慎東漢賈長頭吾道誰爲輔窮經祇益愁關山仍
粵寇身世屬吳鉤未解江頭甲還餘地下憂一編自堂
構萬念冷松楸回首看千古殘陽下楚邱

紅橋聞野哭

嫋嫋復絲絲哀鳴動遠颺似穿空外水不隔野田枝江
上幾家在天寒轉戰遲勞人不能寐愁泊月明時

江上哭海阜十首

海阜余從兄子名廣楫有異才咸豐
癸丑病於軍歸歿寶應年二十有一

甲寅邗江歸舟出紅橋戰場之北寇猶在境
海阜去吾已匝歲矣追哭以心章句云乎哉

濺濺野溝水栗栗山巷風春霜折苦竹疇復知所終子

如朝林日奄忽淪西空白雲東國來零落悲吾宗

吾宗徙淮海滔滔垂百年父行六七人一一雲辭天落
落我舅弟散處東西煙振衰視爾輩諸子惟汝賢

汝賢不在才才亦寡同調叔父頗自命真異爾年少弦
月未滿殼誰見此奇曜沐浴寶持之在膝有歡笑

歡笑詎久長悽苦乃無暫詩書缺汝侍花木一牀暗搖
搖彌歲年何物予心攢待汝寬於兒歷歷留悲憾

我兒在我前叔父隔汝面一別汝安之煙樹滿川甸汝
父楚雲西身老一官賤我悲將奈何獨影況山縣

山縣首以曲憶汝將母來長不及余肩眉宇雲霞開雲

霞在我眼珠玉蕤蒿萊落日縣門前家室窮湖隈

汝祖吾伯父沒葬山陽西汝豕近水北松小萋蕪低汝
婦髮覆額幽咽藏紅閨汝母益衰疾日夕牀中嘔

汝母望汝父兵火何年歸武陵亦殘破天遠軍聲微人
生際離亂骨肉風花飛念汝訣我日回望天南暉

世危乘嶮巖知命審用舍禍機枉自投豪傑胡爲者憐
子弄柔翰頗亦好鞍馬今日復何爲孤墳對原野

野鴟滿船頭葭葦風凌亂永夜聞軍笳起視明星爛國
殤新戰魂燐火漬江岸哭汝不能聲萬事併三歎

歸舟雜感十二首

萬方垂耀紫宸霞
山海車書自一家
絕徼風沙生鬼蜮
中天歲月有龍蛇
羽旂樹隴氓編甲
玉帳連圻帥建牙
草木變衰歸計晚
江頭老淚滴清笳

誰使弦高速寇來
廣陵城邑又蕪萊
萸灣月色重湖冷
瓜渚濤聲萬木哀
代馬乘秋軍帳合
吳山銜日估船開
一隅捍蔽能耕鑿
辛苦阡危節鉞才

巖疆作鎮南徐重
治世屯兵北府閒
水柳烏篷京口驛
春風黃鳥戴公山
三年組甲煩熊騎
一角煙蘿擁觸蠻
夷難江城猶未復
幾時山黛展愁鬟

王氣燕山甸服遙
軍聲暫駐白門潮
金甌化日開三楚

鐵鎖愁雲斂六朝宿衛老成憑向寵偏裨獨出有張遼
一聲戍笛鑾江上淒斷秦淮月底簫

中原滋蔓走豺狼萬里天威自朔方白騎黃巾通渤海
烽煙亭障起漁陽控弦虎旅三河士仗鉞烏桓異姓王
那許潢池兵久弄捷書勞盼漢明光

高唐而歲尙橫戈專闔聲威近若何鄧艾人傳驕兩蜀
莫敖自用小諸羅蒼涼古月魚邱嶺歷亂青燐馬頰河
爲問縣駒今在否風煙號泣不聞歌

州開南豫風侵古寇致尋陽禍有階八郡連營新壁壘
六師行省舊江淮荏苒翦伐街懸首舒蓼流離爨析骸

聞說元戎近乘勝昌黎碑版待磨崖

荆襄千里幕嗚鳥道路初平草木蘇山市人煙漢陽渡
戈船鏜吹洞庭湖潰師李聽癥良史代將隨何不腐儒
皖水東偏方告警援軍早晚下洪都

滬瀆勞師臥虎貔踟躕斧鉞待鯨鯢笙歌井邑環兵戍
樓閣煙波雜島夷四海沙蟲天煦育三吳風鶴歲憂疑
征人黃浦江頭宿照水蚩尤未偃旗

天時人事未蕭條征伐誅求偶 聖朝血淚輸供歡士

馬津梁酤榷到漁樵生逢 帝德眞堯舜言秉周官望
賈鼂草莽孤臣同鍛羽東南烏鵲正飄搖

山癯不類鳳麟姿
下士羞蒙國士知
賸有莊周蒿目歎
虛過江總黑頭時
寒螿煙草迷晴坂
沙鷁風蘆失晚枝
悲極狂思生羽翼
干戈滿地客安之

官柳空條委陌塵
煙皋淒冷似殘春
有家等是無歸處
將母難爲未死身
苦霧待天開日月
康衢隨地翦荆榛
傷懷漫作蘆中歎
鐘鼎旂常自有人

遙夜二首

沙卷金風木葉乾
旄頭星落早秋殘
射雕未改西涼部
刑馬重盟大將壇
壘上旌旗新氣色
江邊歌哭半飢寒
六師足挾三冬纊
冰雪何愁轉戰難

臨風歌歎復聲吞歸路悲笳隴上村大雪一衾能自煖
孤斟雙劔與誰論雲橫白月分明揜潮犯清江澈底渾
遙夜未知棲泊處天邊萬里望 君門

甲寅秋家大人歸自浙手一編曰五月中愁思旅裏
都於此矣敬受讀之詩凡二卷總三百二十七章請
付手民不可軍興以來載籍燔毀寇仍江皋懼藁放
佚父執索觀尤殷殷爰梨棗用代傳鈔云爾男廣
稷廣牧謹記

心鄉往齋集卷十

...

...

...

...

...

...

...

...

...

...

...

心鄉往齋集卷十一

曲阜孔繼鏞著

吳興劉承幹校

甲寅

江上集一已
刻燬於兵

古意五首

知命葆厥常履順去其太飄飄風吹衣塵弗在躬外緯
蕭晨雞鳴破屋省明晦是非豈徒然物不假著蔡往路
心盤盤勞人憂旆旆將身青銅中一槁無復艾動靜自
希微橫空結筭籟落莫是榮名歡飽等麤糲

登山莫乘險問水莫臨深深險豈云擇以力視所任淳

淵有潛躍靜樾多驚禽中才涉濁世能不懷苦心息夫
冒忠讜蹇修生悲吟鳶白而鷺黑躑躅還至今蘼蕪山
上路下有嘉樹林蔽芾在窮壑幽獨良所欽

上士受天職豈不貴辛勤蜚鳴逐棲食枯苑空芸芸大
隱爲一身逸死徒訢訢舉措植世命歌蹈福其羣人生
豪一世雷霆天下聞勳績壽鐘虛孫子蒙芳薰下有飢
溺民上有堯舜君七尺墮窮賤吞聲復何云

言涉淮東山瀾濫不可卽一髮天橫闕其去萬千億羽
族家水邦蒹葭連地極城邑如浮萍中著野人笠寒蒼
入門樞十月語唧唧脫我征衣裳面顏世已識空洞雲

深重了無不可測無田與兒耕無桑教婦織

無田亦云樂其樂當奈何白日墮西崦高雲落嵯峨餘
年託地覆蹈舞遑知他百羽嗁空枝得復青婆娑黃石
不可餌飛瓊不可羅少小事神仙兩鬢垂寒華出門復
入門南朔羆羆多遙夜一長歎瀆滌同江河

廢畦

幾年別畦水亂漫趁人行曲折豈無所荒寒亦有情春
風蘆薈短斜日桔槔鳴坐憶浮生理湖天晚照明
漣水南莊飲酒四章示從弟鐸

金石有摧剝百體胡爲哉殘陽下禾黍驅馬東郊來今

日我與爾同好無嫌猜種種頭上髮不及沙中萊青蒼
陂隴色萬古寒雲開浩浩一杯酒鬱鬱多風霾天地霽
以澄疇識胷中哀

秩序肇性命由動不由言笙竽結萬籟喉舌何其繁井
蔓離離葉原菽絲絲根根葉豈自爲條理難深論瞻彼
大田月融融照籬門煙火聚族姓一一河上村河流不
可駐且復盈我樽

一酌物情遠再酌寰閒寬門中有蒺藜莫莫余心酸我
家東山東天府中盤盤漂流大江北風雨歸雲難披雲
望諸父高墳同巘岼汝兄隔楚水弗獲聯飢寒今日民

爲長感咨非一端

逝年不可追孫子重佑啟爾我有母慈加餐益心喜言
笑幾微中萬感潛悲涕短垣長寒花老圃翳荒薺在門
維我車命庖貢嘉鯉此夕贈以心舉酒各湔洗一息貫
明幽神途鑒人禮

王烈士畫水石

烈士名建蘇字瑟雲儀徵人咸豐癸丑
粵賊襲揚州盡室陷城中父僧保不食

死婦見殺長子爲虜抱次
子懷中以土囊自壓死

江淮多隱淪早識王牆東令子奉几杖真意猶兒童偉
哉鳳之雛光氣長天虹丸丸徂徠柏片石齋崆峒藝事
以人壽焉校拙與工矧茲空堂上寒翠蟠蒼穹往者西

庵秋百卉羅丹紅一松照石榻杯酒誰我同廣陵萬戶
哭日夜淮流東歡蹤零落盡老我孤飛蓬俯仰一長歎
四壁來悲風

哀哉行九首

揚州少年輕且揚城危旦晚如平常揚言賊至不我賊
勿先貔虎先牛羊百官逋逃空城府曲爲嚮導搜薶藏
蘭有荆棘苗有莠遂令玉石炎崑岡桂花莊北蓬蒿長
揚子橋東多戰場青燐黑雨宵迷茫哀哉少年填委碧
血堪瘀傷

揚州少婦桃李時翠幃錦幄嫵娟姿鹵騎索縛渡江去

芳華苦悔摧殘遲賊中論賞強歡合好花折賜桂苻兒
才人厮養古所痛況乃黃鶻悲孤雌千金贖身重繭出
關門咫尺歸途危官軍攫肉如梟鴟哀哉少婦一死之
難誰其知

揚州童子眉目殊家人温養如明珠奪截縛置馬頭去
陽爲假子陰爲奴朝佩鱗髀翔鄉閭莫隨戎纛當前驅
不教識字教弄戟剝面虜腦爲歡娛饌炊金玉衣珠襦
賊之憐愛逾割屠我欲盡語悲模糊哀哉童子父母哭
兒兩眼枯

揚州女兒何盈盈鉛華未了刀鎗鳴前軍不聞破陣子

大隄爭唱董逃行宛轉嬌鳥墜羅網芳魂一夕千疑驚
一死二十五人坐鈿車活獻金陵城後庭毳帳花縱橫
弓囊羽珮牙幢旌虜筵樂奏潛吞聲哀哉女兒不哭夫
婿哭父兄

揚州儒生何崔巍臨難視死無徘徊布衾正作北窗臥
紅巾一到南門開豈無經術紹賈鄭頗有文筆凌鄒枚
空城鷓鴣叫枯木酸寒齒骼無人薶 天家四庫頌江
隈文宗文匯同塵灰白頭著述胡爲哉哀哉儒生古來
識字多悲哀

揚州百賈雲駢羅淮泗湖海江漢河積之錙銖拋泥沙

嘗算苦少今苦多先期卷握能幾許探囊發匱隨林阿
日中貨殖國上計亂離生事徒乖譌陶朱之智復何用
翁伯善販同蹉跎市門白骨高嵯峨哀哉百賈更聞新
稅愁如何

揚州鹺業雄高貲近二十載非其時變通益牢政多術
舊商捐瘠新商疑道路蹇阻罷運轉中原浩蕩多旌旗
盜賊不至飢寒隨剗地大索無立錐城中一一佳園池
十尺草長搖兔葵風廊月榭眠狐狸哀哉鹺業全盛之
年豈能追

揚州方外生復空金沙碧落來悲風蒼蔔香林紫芝館

殘陽敗榭寒蒿中初地清遠集詞客石壇簡寂宜山翁
元樓高坐無片瓦打包乞食同飄蓬素王俎豆侔齋宮
摧毀堂廡迷西東二氏枉泣天夢夢哀哉方外浮生適
際窮民窮

揚州老人人生不辰齡頽齒宿罹艱辛攻劫標掠不中用
無多筋力傭其身鼓鑿鈴鐸坐風雨春扇確磴連宵晨
老人星暗南斗野積屍輿鬼而相鄰家有孫子骨肉親
授衣授食 皇之民宛轉一息留荆榛哀哉老人忍死
重觀唐虞春

甲寅除夕

壓境三軍在看山一歲空長爲異鄉客眞作白頭翁小
縣少歌吹無田祝雨風北堂聞笑語吾道未飢窮

乙卯

得武陵書

開歲暄風日淮涘雲洞洞平生友朋愛且復連根荄患
難誰禦侮念之中悲摧驚波浩地軸日登江上臺雪集
野無草春遲園有梅哀樂何其多征人殊未來三歲一
消息弗鬱胡能開失宦不足歎老矣孤徘徊
送甘巖之浙江

人生一世閒忽忽風落木登高瞻四方羣生半危感顛

倒豔浮名握齷數田牧坐令肌骨銷空徇歲年速既甘
原憲貧安用季主卜子亦籠中羽稍稍謝縛束告我之
江遊魂夢已川麓先隴缺展謁往省松楸綠軍聲淮水
頭高岸夾歌哭沙石蒺藜中門戶多單獨東南道路清
舊遊在心目何年買一陂與子種松菊

贈周還之

盜賊中原滿綱常大義扶江城諸將在草野赤心孤成
敗皆天意流離且道途凶門授命者髓血已寒蕪

謂張烈士

丙元

憶浙西

我躬集百好善舍無留因姓氏滿鐘虞雜沓空中塵川
麓去我遠逝景棲心神少壯閉門居嚮晚爲征人赤紱
照青山林巒生笑顰百歲復有幾黃落悲上春自維所
有力磐石堪垂綸

城北杏花

上苑萬千樹榮枯見已多好花能寂寞芳序遣蹉跎雨
外明村舍風前落澗阿世情宜淺醉驢背客顏酡

寶應成氏三孝子詩

白田心巢子兀兀事編輯娛親戀庭幃傾身向蓬蓽柱
史謝述載祖德忍韜戢示我先賢傳授讀有鳴喈賓筵

思溪公名憲孤露家壁立父沒廬墳邱赤淚漬原隰哀哀

交三公名康父成年餘十一步一號訴萬里乞養給思

溪有來孫名原正在幼凜出入不娶願永鰥不仕願長

蟄張密載魏書封肉代藥汁半載凡五封潛忍出剛急

億古哀其愚愚乃不可及嗚呼三孝子天地誰階級履

之自尋常一門世相襲誰無父母慈使我百憂集至行

冠淮海直筆告都邑

連鎮之捷

初撤津門戍新封部曲候春雲開上國化日滿滄州急

趁潢池捷全紓黼座憂小臣復何事舞蹈海東頭

送秋谷

國事方多難
君恩忽放歸
風塵千里暗
草莽一身微
戍鼓迎官舫
江城戀夕暉
別離感同調
余亦拂征衣

蓮池庵述感

南城臨水寺
落木聽經堂
大夢重開眼
浮生幾斷腸
悲來憶先子
愛此坐斜陽
初地蓮枝白
諸天貝葉涼
塵根奚待覺
仕止動相忘
遊子岵空陟
枯僧塔亦荒
山齋足清曠
江縣半流亡
傍母庭闈晚
從軍道路長
詩書眞錄錄
金鼓正茫茫
登覽餘悽愴
何因叩梵王
乙卯上巳謁先大夫墓

存歿一以判終古成乖睽矧茲遠荷戈弗獲守故畦出門動經歲甫歸神瞶迷拜母燈燭光鼓櫂及鳴雞昨宵射陽北今日洪湖西林木羽族聚野色雲容齊高墳寂無聲春草煙萋萋往日兒遠歸親手爲提攜衣裳惜兒敝面目憐兒黧今日兒來前徒作嘸鳥嘸門中有歡笑啞啞子與妻彼非我一身疇識心酸懷盛世閱離亂道路多鼓輦有母不遑養安得留荒谿再拜別荒谿悲苦語蒺藜坡壠結胷臆風雨毋淒淒

題清河小南寺壁

寺有隰西草堂明萬年少先生僑寓所也

禾黍泣遺黎零落絕生理青天蓋一椽陂陀託臥起少

小踐斯境披徑拾芳芷重來角城南白髮照煙水高勳
賤隱逸知命視通否萬古蓬蒿中荒寒有倫紀

移藤

深院藤枝蔓金井綠蘿小鳥嗁春影手鋤乘春亦偶然
物色生態憐光景卑山多壘風雨荒十年冑樹陵高蒼
滿引金爵忽大笑頭顱種種何時長

湖城春夕

痛醉宜千日深愁豈二毛清宵當戍笛歸路有征袍湖
海春陰合雲沙戰壘高飄零江上雁聞見一悲號

燕

風雨失歌舞江邊幾戰場斜陽開水國生意戀茆堂眼
底雛能翥秋來壘漸荒主人求樂土天地轉茫茫

蓮花社坐雨

濁漭損游鱗棘木戾飛翰古屋城南端堅坐忽忘晏昔
也溺所私動昧近與遠江鄉二十年負缺此蕭散槿門
向灌莽茨垣謝塗墁我來日滿川亭午一僧爨野水有
新煙淺草未歸雁襟帶迴風涼几榻濕雲亂方塘晚春
花一雨洗爛漫古賢不可作遺構動嗟歎食息非偶然
努力事昏旦

過心巢味眞腴齋

衣冠墳典慨興壞一人識字眾人怪漢阡宋陌本同涂
曲士顛門苦分界干戈淮海如蓬麻春深愛過南鄰家
湖城白月照老屋一燈坐對垂檐花

題夾竹桃

竹外桃花三兩枝紅紅白白兩相宜如今離亂從何說
萬緒千頭併一時

廣稷之浙江書示此篇

子少不學父無矩矧我疏慵汝椎魯播遷異地少田園
生怕餓死貪簪組但道一官能救窮唧唧百口寒號蟲
短氣苦心學罄折低飛一任人雌雄金張衛霍聲隆隆

珠履劒珮明光宮行臺節度控萬里牙璋金鉞樓蘭驄
乘權自足躡雲日有命直可齊窮通倅車監郡古末級
我已厭爲使女習人生可貴亦可賤偃蹇離纒勉獨立
大好山水餘杭州此行兼爲勞人謀江湖舟楫有來日
老夫散髮東南遊

東靖卿

牢落淮南隱高歌白雪哀廣文無學舍小邑有澹臺春
向寒林發愁將笑口開滔滔身世感莫到酒邊來

短歌行

形容與兮世云跛遵大路兮眾笑左鳴蜩有柳鳩有桑

誰謂先生際坎坷鸚鵡典盡身不裸負郭無田腹能果
不死高歌死便薶翩翩緝緝其能那粲粲之子善婀娜
心翼翼者憂患夥援鶴變化徒爾猜雞蟲得失一何瑣
櫂槍動搖杼軸空瀕江十郡九兵火采山樵水司農愁
惇獸富人無一可駕言東海波淪陟彼南山石磊磈
刈薪釣魴豈徒然智塞形單營一我我車匪監馬匪瘡
白首靑天淚交墮

過清河仁和里

半生天下游延覽疊新故事非心所棲疇復規其處當
門有奇石西巷有嘉樹俯仰五十年總角忽垂素門闕

委箕裘旅宦遜農圃既往不可說一錯焉重鑄金城子
孫業豈獨羸秦誤五里一徘徊一步一瞻顧雞犬里社
歸鳧雁陂塘聚夕照滿長河艱難視行路

張精一輓章

精一以字行北平介石老人子老人善奕
文喜樊宗師精一終身不娶冷曠肖之客

死秦郵榆次張君鵬展斂之杉
原庵余將訪其先原謀歸瘞焉

高沙城中多北風山寺黃葉吹殞宮異地家世味所自
故人風義存其終憶昔童年共游釣老我薄宦隨兵戎
出城攬涕對湖水飢鷗拍拍嘯遙空

召埭九松道院憶熙載

止舸水雲曲升墟千萬家傲擾餘木石仙觀剪丹葩念

子昔棲偃疴疾愁無加東南罷綬客復此停軒車浩歎
與長風春去其何涯夕衿散松色石路披茗華彼美在
心曲引爵孤流霞

送廣牧之京兆

風沙灼地炎雲稠六月不雨無行舟陽侯北徙濁漳合
太行山腳黃河流騰蛇折鱗龍解角朱陽長坂征人愁
九天九地動兵法金箱金櫃期全籌正月俘馘靜海縣
四月再捷高唐州厓谷漸清戍未已控弦負弩冠兜鍪
陂陀上谷道經此荆榛齒骼荒無收一僕一鋏車一輶
嗟爾穉子登遠遊彰儀門外石道北濺濺野水通蘆溝

東山播越二百載高曾封植留墳邱豆觴千里闕展謁
旌旗滿眼心松楸吾兒頌嶷丹渥面汝父衰颯霜盈頭
努力修名樹先德羽儀不在翮弓裘方今 天子聖且
哲春秋鼎盛端垂旒甘泉尙遲黃門捷丹陛未解蒼生
憂不廢干戈事禮樂眞才大比賢書求當代珪璋重科
目瓦缶賤缺明堂羞少年潛躍視根柢集枯集苑非所
謀菡萏花發河之洲蝸蟻茂樹鳴山郵險徼時事川涂
修那得閉戶同拘囚長安故人多索莫傷心盜賊言吞
喉但道勞人勸執戟無田願飯南山牛

揚州別殷時

多病無家客長飢未死魂寇邊歸令子人世有儒門分
手雨中權傷心江上村北堂親健在同是乞盤殮

高唐之捷

黠虜清河據雄師勃海來 天威近雲日闔帥有風雷
淇右征徭滅畿南道路開築壇望吳楚國士莫徘徊
兩宿棲雲山館留贈黃子鴻四首

輾轉升沈路過從二十年旌旗飄涕淚蘿石幻風煙那
有旃檀地難求句漏仙眼前活人術哀乞濟時賢
置我不知處窮湖絕島閒笑譚無負郭才力賸看山醉
夢眉能展昇平鬢亦斑茲遊復何事三日坐蕭閒

古巷槐長夏幽窗雨暫秋同人忘離聚之子獨清愁江
水幾時潔山雲不可收燒燈惜良夜默默看吳鉤

努力先疇遠孤危晚節存花仍開曲沼道各有衡門高
閣一鶯語南天萬騎屯勞人亦顛倒出處莫深論

薜蘿

生死纏緜意興衰寄託心愁邊入風雨江上幾園林海
國柳州歎夔城杜老吟漂搖無屋補俯仰淚霑襟

贈汪小汀

天半曾聞老鳳聲竹西歌吹又蕪城黃壚已盡孤兒淚
赤羽猶懸漢將營按劔功名劉越石傷心詞賦庾蘭成

江關一夕連牀臥風雨虛堂白髮生

重過東隱庵示馨上人

王子重九招同人集揚州東隱庵逾年城陷在城死難者羅徵

君士琳王文學僧保楊上舍亮城外後先死者吳上舍樸生汪明經秦劉明經文淇是日咸集於此俯仰

三年
然有作

亂餘殿閣委空煙祇樹重開舊講筵
生死後先同大夢
人天歡喜定何年
緣江鶯粟三城戍
插帽茱萸九日篇
物外何能拋百感
廣陵寒月晚鐘前

夕發仙女廟

嫋嫋門前野水波
離離殿角晚春蘿
靈風叢木巢青鳥
寶霧雙鬟湧綠螺
沙市夜燈關吏語
石梁明月賈船多

露筋祠畔年年客，衰白塵勞復此過。

沙頭水宿

風水夜刁騷，飢鳥叫賊壕。
星河軍帳合，沙石鬼燐高。
何處吹羌笛，三年敝戰袍。
窮黎語征士，不獨爾哀勞。

夜半

臥起渾無定，孤舟夜色分。
江風杯瀉月，山雨夢連雲。
枕上斷漁唱，笳邊來雁羣。
百年筋骨在，元不悔從軍。

野興

南徐雲木吾所愛，野興壺觴秋更賒。
竹林四壁石紅葉，招隱一庭霜菊花。
城上幾年賊吹角，江頭今日僧無家。

斗牛妖祲漸衰落將士長征休歎嗟

追憶

歷歷潤州城北路丹樓粉堞暮雲開
蘿窗隔嶺通黃鳥
松巷尋花破綠苔
命酒僧廚春甕滿
買魚山市網船來
重遊回首燈前夢
萬事傷心江上臺

遠望金陵懷黃子湘江北

建業城頭眺夕蕪
舊遊意氣滿江湖
翩翩濁世佳公子
渺渺余懷楚大夫
東海浮家多戰壘
西河痛哭況窮途
鬢毛我亦垂垂禿
晚樹江潭落日孤

題焦山石壁

羽帳牙旂夾岸秋樓船笳鼓截中流
長江殘破留孤嶼曠士登臨亦百憂
滾滾風濤天設險茫茫雲物我何求
北堂衰疾君門遠坐對蘆花空白頭

焦山贈月上人

鹵騎橫江來東不踰潤州夫豈寇知止
厥績良有由焦山東海門崩浪無停舟
山僧不失守水軍能上流豺虎始入境
一一空城秋茲山盛竹木不改平常遊
樓宇好雲日彝器完商周大美旣克建
小勤因並收旂常待有功苾芻其何求
採風竦來會庶用勗同仇

寒江贈几谷

結廬萬峰頂野僧兼畫師挂腹足蔬筍兀兀無俗姿胡
爲開覺塗乃多愀愴辭大風臥失徑苦竹荒無籬四巘
日增壘那有還山時早願結南鄰無地尋西枝清角遠
天曉寒風江上吹

荷花池守風

言涉江上山往路屬津筏三日阻無渡緣境見顛越熯
熯炎曦秋谿呀蒸石骨野芳掩無姿水禽出復沒四天
仰寸雲何處求林樾蘆洲海岸長荆楚見一髮江水不
知愁湯湯送日月

八港口

轉櫂不知處蘆花欲竟天荒灣風聚舶小吏晝攤錢隔
水青山在看人白鷺眠健兒堪久戍吹角暮江邊

大港月下憶冰叔

孔融尊酒復何事李白文章空爾神生際艱難貧賤好
我無兄弟友朋真三閒老屋兩頭住一葉扁舟萬里春
未了干戈孤夙願紛紛江月暗黃塵

氣病二首

氣病胡爲爾吾衰亦自嗟往年空度日秋葉強爲花霜
益北堂鬢雲深南楚筵低徊江上臥萬里望京華

頗事尊生術曾無辟穀方艱屯視心力流浪悔文章早

失驂騶步晚隨鵝鶴行
桑榆瞻氣色吾道未蒼茫

棲雲山館看木芙蓉贈范老兼柬子鴻

城晚角聲亂鳥散江天黃林亭近賊藪竹石迴悽涼水
南芙蓉花麗質含秋光榮不失佳序相賞聯清觴忽忽
遞世客白髮臨風長攀花一拊心四坐均其傷蹇至冀
來悅春謝悲殘芳主人玉樹姿顧影同頽陽淮東急擊
鼓海上需餼糧征夫不知老垂囊尙戎行

野泊憶大兄武陵

雁書不至望南煙草樹雲沙泥遠天少壯形骸疑隔世
湖湘舟楫渺如年空村寒色秋垂盡野水孤花靜自憐

滿眼流亡思骨肉干戈休阻暮江邊

仙女廟夜發

水樓燈火在街柝四更餘溪艇冰聲聚霜林野氣虛戰
場消歲月宦興等樵漁榮落是非外江鷗有定居

孩谿

舟楫不知止園居有夕陽江風翻凍鶻山氣發枯楊近
戍得耕鑿經冬盼雨暘昨宵望弧矢芒角指天狼

譙山禪堂月夜寄贈周子堅

貽樸

十一首

萬族盛意氣我乃羅商秋瞻彼寥廓士亦復叢幽憂締
知既永久雍鳴如有求落落湖海風瑟瑟瀟湘流就食

天一方嘉會歡有由奈何籠中羽不及河中鳩合離益
之疾日月何其邁

鷓鴣黯碧血寶劍寒千年持贈世不愛壞壁還自憐勿
以詰曲坂怨彼珊瑚鞭孫陽骨已朽野駿同荒阡一朝
復一夕花石羅堂前一花復一石光景銷孤妍散髮自
湔洗破鏡生遙天

早年謝華軒中歲杜蓬華衰白不知兵突兀參戎律我
宮有琴瑟我園有梅栗深沼魚所潛大野龍之逸天與
晏平年日益懶放術百口謫向我我樂乃非一我勞夫
何如豈爲飢寒出

瞽迷走榮勢流浪多姓名石屋菰蒲中抱膝豈無成戎
戎五嶺戍遙遙鬼方征誰令稂莠種旁側中原生百道
計泉府築室謀軍城汲多水枯涸樵急山童頽攬目有
餘愴放論無能聲隱几不得寐八表雲縱橫

民間萬帛粟官家片言詞道在無同樂安敢儲所私餘
者輔不足安者存其危浚我乃生我悉索其能辭狐鼠
嬉以遊鳳麟不得知羽書急傳戰天上搖旌旗殺賊如
流水軍輸無已時

秉心一清約引領多蒼黃虜騎西南飛零亂江聲長羣
鳥畏飢死不敢凌風翔拳拳飽來鶻鶻去低摧藏蠢茲

不足歎荆棘天茫茫冰霜苟存活疇弗貪頽光人生寄
一飯生理多悲傷

衣食逐顛沛上智難環周形骸草木中毛髮先清秋我
有好羽翼願破樊籠遊矯矯人中龍混混泥中鯁動變
自相迂造化良悠悠升高攬雲物其下林壑幽容與以
長年何事叢煩憂霜氣苦竹逕夜景臨江樓隔山隱笳
鼓百里無眠鷗鴻雁高天嘒迢遞荆襄愁

翱翔不死天金闕而玉房兩鬢不我綠萬木相與霜珠
玉變礫石焉知毀謗傷深苦夜光氣無地予歿藏疚心
事磬折愛者謂之臧君子孤且直舉世憎其狂

大業植世命士不貴家食蹇蹇時哉翔肯與天爭職委
身叢薄游持心日月側白日不照地晝作太陰黑願左
無通涂洞曉有英識離亂閱我躬更事恍苟得討叛冀
霍衛治本仰夔稷

海上釣鼈客攜手楚狂人翱游 聖明世弗獲巢許身
五年江表戍十丈旄頭塵隨分百僚底憂患全其真湯
湯揚之水靄靄胸山春安在相視笑然後通情親

於役涉江汜言登江上臺相思不可見令子天邊來是
非零落中歡我愁中杯暗榛蔽曾巘大石橫古苔霧露
杉上雨潮汐山根雷蒼葭動地軸萬里寒雲開可憐海

門月流光孤徘徊路晚復何嚮世濁難爲才會當良風
發贈我胷中哀

寄懷繡山四首

萬族欣有託君子義斯敦鳳麟羣一世奚暇求雞豚太
行擁京邑嶽嶽金馬門飄搖二十載望我心所尊平地
盛鹵騎遠道風塵昏風塵不可開吾衰誰與論

二氏久中國異教更西夷守土錯經緯盜賊之所基城
邑競尙武儒冠益云微東山弁羣嶽雲氣隆崔巍宮牆
萬世藪文物高天垂變理得所宗足以扶蔽虧

之子孝友裔玉質而金相入爲綸閣重出爲天下望榮

落念時躑涕泗紛霑裳顛倒狂瀾中力挽非文章餘力
見肝膽詠諷多悽傷屏營埃時會上有天蒼浪
稚子走京兆傍君如家人異縣念所自本根同一身播
越浩無歸俯仰傷心神衰白再執戟患難忘垂綸降志
溝壑前願睹斯民溘褰裾杳何階袞袞東華春

心鄉往齋集卷十一

心鄉往齋集卷十二

曲阜孔繼鑠著

吳興劉承幹校

乙卯

將之上海寄別心巢

百齡瞬息耳旦夕何紛紜一身墮遙野萬里當天雲
納雲陽郭無事安耕耘冬月雨雪稀桑柘開晴氛居人
掩門巷行子趨斜曛鳳鸞天上侶麋鹿山中羣食息一
長歎自私非所欣大道期實用虛名賤高勳百職一無
補那足言憂勤愁乃弗可輟野水盤沄沄靜者樂蒿堵

不蘭而自薰勞人坐愧恨申章復何云

渡江四首

六合翱翔一尉羅馴禽介鳥不同柯豈無服馬叔適野
如此風波公渡河痛飲不辭桑落酒行吟何處葛天歌
寒雲苜蓿秋山晚回首中原鐵騎多

年少西京執戟郎衰遲慷慨復戎行敢云舉世人皆濁
賸有孤懷老更狂流涕染絲徒墨翟遊心齊物小蒙莊
駕言四牡憂如結羈旅東南道路長

戰地孤游感不勝悲涼豪氣減陳登草深人拾頽垣燼
月黑燐吹斷塔燈霜壠鹿盧蒿沒井風塘笳箏浪侵塍

羽書江上無消息白髮扁舟一夜增
圖山南去更天涯風急寒潮響岸沙
一枕大江仍漢水
六朝今日此蘆花海鄉久戍留邊馬
月隴驚顰起夜鴉
轉地星河隨客遠陣雲開處望京華

亂後

亂後坡陀多棘荆短短燕麥山無鄰
幾株赤柳不藏鶻
一路黃沙深見人西日欲墜野田哭
幽草可憐江水春
高岸昏鴉傍船宿勞人繫纜空霑巾

江上四首

江上假言歸掉頭忽長道緬彼路悠長
祇益親衰老將

事心乖違斟理境顛倒荒哉委塵波往矣踐霜草遙遙
水上星沈霧不可掃紫微正天中雲氣如羽葆

過江車騎少刁斗聲亦微奇險不在面歡各忘所歸吁
嗟一世中誰與勘其非行行見白埃墟里相因依雞犬
戀煙火曉日開林霏志士貧與緣言之中腸悲

今日天雨霜昨日草猶綠物候有常稽人事安足錄禍
患因以利潛笑看人哭天豈不厭亂陽莫拯陰伏開窗
飲我酒沙鳥唳叢竹遠客兀無言萬轉胸中軸

才位有分限時會無定端平地邁奇劫賢哲當其難五
載賊心目魂夢連憂患老漁江上磯亦復多驚湍出處

兩無所此行誰使然
浦漵有風笛助我長宵歎

無錫贈黃生瀛伯兼柬余子蓮村

貨殖龍門傳神仙
鶴上秋能爲塵市隱
深識老夫愁滿目
無家歎孤懷
負笈游仲弓
潛姓字德化
感同流

金閫寄伯平

此地昔分手重來落葉深
市聲吳會曉寒色太湖陰
離恨不可輟高蹤何處尋
預儲千斛酒愁歎與深斟

聞楚楨三河之訃哭之吳淞江上

交遊卅載揚州郭
難忘梅花嶺上春
薊北淮東眞隔世
儒林循吏有兼人
酌君荒岸停官舫
老我歸年獨釣綸

仲子抱經何處哭故園門巷正煙塵

乙卯滬城除夜二首

五十四年冬又盡重來水國閱青陽地經兵火城煙集
人雜華夷海岸長島市冠裳驚異俗雲波樓閣儼仙鄉
懷柔八表咸賓服不假天威小夜郎

瓜代江頭未有期冰霜遠道夜遲遲小人將母羈離日
大地逢春慘澹時周禮澤梁曾不禁中原貨殖本無私
峙糧吳楚軍城急駱馬征夫鬢欲絲

丙辰

古椒塗環歌寄平齋

湖州博物今第一遠道遺我明月環珍瓊名釧舊襞裂
眼明手握如珠還截肪膏流蒼文水嬰垣玉出踰次山
大象初取冰鑑滿中空巧作桑鉤彎刻鏤雷回博山篆
發越鼉采湘筠斑不成圭璧近服翫物命亦有天心慳
肉好相連製相襲組綬韋弦用不一齊后妙解瑯琊圍
柳卿拜賜湯沐邑夢裏華胥宛轉歌刀頭古戍娉婷泣
人生無乃太區區髑髏不改心肝愚西京魚燈照龍匣
咸陽玉雁隨金鳧吁嗟此環閱太古淺恨深愁種碧土
佩煖薰籠宰相家條垂寶馬將軍府妝樓閣道知幾年
松門蒿壟鳴幽泉紺血芳魂散銀海緗囊纓珞空秋煙

化爲條脫吐寒馥氛氲不藉凝脂沐溫岐吟賞李同歌
人間信有古香玉尋常待賈連城高握齷之夫嗇一毛
南嶽隱居仙瓊玖西都平子金錯刀美人之貽古有之
脫贈不抵先生豪附以尺書長太息殘破流離凋物力
高訾大賈揚州城江甯之東鎮江北弦高賤者不足罪
誰把三城送盜賊壞雲一縷過江來拉雜摧燒只頃刻
賊退還家掘所遺取貸升斗飢腸逼入市莫識楚白珩
一文不值晉垂棘我聞此語增煩憂浮生贅累同懸疣
壓臂無金正須此質錢買酒從君游

贈牧友山

僑

五字託千古漂零信汝才
歲年衰見逼兒女累方來
聽雨空江夢開尊異縣梅
何當洗兵馬歸翦故園萊

滬城元夜

浩蕩年光雪鬢催
天時人事百低徊
凍雲一枕鄉愁合
好雨半江春色來
翠羽番竿叢市舶
紅燈夷語下樓臺
殊鄉風景渾如畫
懷抱膏騰得暫開

奇寒

奇寒到衾枕
清醒自無眠
庭雪照山海
窗風生管弦
臨戎思挾纊
久戍似屯田
獨夜江樓上
吾還擁一氊

移居示友山

春過寒梅未見花移居隨地總天涯軍城歲益三吳稅
海國雲通萬里槎賸有肝腸堪命酒忍從戎馬更思家
百年勳業同看鏡晚日蕭蕭兩鬢華

聞楊至堂河督梅伯言戶部之喪寄輓有作

戶部窮投老司空敬禮賢讌歌江海上生死甲兵年歸
旄一何速能文信可憐千秋共黃壤雪涕向吳天

上海遇吳幼蓮歌以贈之

黃歇浦前雙白鷗壽夢亭北寒雲愁吳子短鬢作海色
東風搖艫單衣秋水國城陰日影昃五年乖隔面黧黑
燈火箏琶動市闌孤衾暗壁無人識憶昔招君東隱庵

掉頭顧我神隕酣堅託門闌回俗駕日從方外遊精藍
嬌鸞滿樹花滿潭槿籬葵徑虹橋南四海晏謚好川阜
波騰畫鷁隄飛驂乃大爵我以歡伯隰有彫胡原有麥
野堂清晝和風颺放失羈愁遠天碧獬獬食肉空中來
江城魚鑰黃昏開碧簫未罷竹西館紅巾高譙瓊花臺
鷓冠高歌鐵衣舞頓令文字賤如土天上旌旗驃騎營
眼前溝壑流亡戶鷓雞叫夢天蒼涼當年最汝神揚揚
手寫梅花萬千本飄零今日風中霜智慧苦短憂患長
我亦衰遲懷故鄉登高不見滬瀆壘飢烏哀雁紛翱翔
矧乃篇九章

震聾不畏雷豐隆告密不怕三尸蟲不盜而盜私爲公
中區雲黑天夢夢凋剝元氣成飢窮愚蒙且百憂矧乃
非愚蒙

山川歷落多隆窳東鄰蔓草西舜華昔之蘿桂今桂葭
陽春不到人槎枒盜跖歡吠仁賢嗟平世有飢渴矧乃
嬰刀戈

捐之上書興榷酤卜式鹽鐵通川渠壽昌雜稅開州閭
因革損益民恒懷攬古方策空纍獻治世政多術矧乃
軍無儲

司農大府無一錢愕眙蹇吃心茫然高高覆以唐虞天

甘心茹苦眾不言豈曰在位無其賢當軸困檢括矧乃
卑無權

生兒不願尙書郎亦不願兒羅酒漿願兒日在爺孃旁
我垂六十頭如霜上有母兮天夕陽在家失子職矧乃
道路長

萬木黃落石赤露方舟磊砢車沮汝焱雲颯雨變朝暮
得失重輕見愛怒肺肝安得巧相附門內有差池矧乃
門外路

堂上留賓飛玉笋燒燭高歌聲震瓦努力中廚出菜把
昨日街頭躍大馬外疆中乾信者寡我乃至於斯矧乃

無家者

鴟梟攫肉烏吞霜野鷺不偶鴛鴦行毀觚破斗圓無方
膠兮毗兮棗調餽履道君子踽且涼委曲不相入矧乃
單而狂

盜賊門闖家無憂土團軍舍連戈矛三尺童子腰純鉤
老儒岸幘行復休文章厭賤如勃搜抱筆不生活矧乃
歛且謳

上海龍祠神絃曲

芒芒極神之皋日銜燭神嬉翱躡溟渤走百賈祀由功
神實輔裔裔雨陰陰雲島人希愁竿旂三十載盛芬德

順入川天口敕調颺路協龜言星舶所壇瑤天花榼榼
東門嫗風五色火精聚麗哉神中是宅海砥平水爲石
神康哉中是馨億千萬程來庭潤施普波孔厚應聖圖
翔毋鬪儻而歸還安留顧四貉媚 皇州九歌薦迪嘗
喜條信義備嘉旨跂行遂驩聲洋靈永位乾象昌

上海英吉利書堂

江天軍聲微弦誦出花藥古瀆昔剛鹵沙上長蕭藿荒
墟三十年誰者構芸閣其東濱洋涇樓宇互鉤錯十色
珊瑚市萬里崑崙舶曠曠二夷士執簡此棲託不息牙
郎錢但手老生鐸圖經啟山海頗亦事迹作衍緒始福

音申教著新約文字限一區儒氣通六幕惜哉班坐歡
華裔土風各御寓今 堯舜宅中大京洛男女五常綱
恭儉萬物橐蓍文贊伊周用武偶衛霍下者比藝事貴
者尙天爵小子聖人後詩禮景編削自昔有遵循夫何
歎芻蕘之子來東垂抱式志西略受塵豈爲氓賓王可
觀樂中原開晴曦山雲藹春郭海色酒杯底檣煙石城
腳一曲相逢行何如估客樂

火輪船引

島國崑利倚算術離合舟車兩而一以金翼木木翼水
火翁關之發其疾暗輪軋沕明輪聲怒翮渴蹶不能匹

嫋爛羽葆竿揭雲包羅鐵網板塗漆鎔銅中立柱心空
穴壁方圍礮眼密鑰者修皙火者黶繩躡飛盧縱複室
盤榦大小灑圍容規矩刊別秉周率釘以旋螺遞句貫
楔楔齒齒條乙乙備聞海叟言荒唐重蹋淞門觀日出
遠檣隻影如不動儵爾雷轟岸翻溢白煙一縷破空來
靈鼉讓路老蛟慄酋師下碇招我游面梯一覽百巧悉
用蓄用激神奮飛惟繳惟擊力超軼鬼斧徑欲愁般輸
瓌材不惜竭斤鎡省事紆餘多事窮智人紛恠愚人逸
游心久息漢陰機記工不直冬官筆春日遲遲江上歸
小舟浩蕩坐容膝衝波便有石尤風來宵準宿雲閒驛

夷人鬪馬行

大宛天馬產渥洼虎文兩脊驕桃花沙苑驕驕亦神駿
權奇駮駮龍衙衙西陲吉利挺赭白異骨雄材亞喇伯
平沙海市開煙衢絕景追風騁奔迫先期署榜銀百番
建標除道爲闌門春雲流煥花紛繁景光惚恍華林園
夷酋意氣何飛翻上馬趨捷輕猱猿短襟窄袖膈膊禪
連錢覆幪相續緡晴明鬪馬珠塵道結勒齊鑣動清昊
初盤玉鞞不遽發迴身疾箭焱穿縞嶠然猱狄踰蒼山
歛爾飛鷹掠青草雙馳腰腳拚一蹶肯使駑駘上騷裏
圍場懸賚千黃金勝者騰歡負者惱 中朝大閱七枝

陳緹衣韎韜馳颺輪玉纓萬騎奮長鬣追批瘳狗拉狡
魏彼鬼者夷猛育獲鞭策惡駕萬夫辟僇輕遠過曳落
河悍銳那數僧騰客方今三楚困兵革徵師外府軍符
急烏思阿里方佐功蘇格倫墩好宣力皇威御番如
御馬進驅退繫隨所役窮河絕海歸牢籠坐見櫬槍清
八極

浮雲行必里樓月下作

朝把浮雲髮覆額暮把浮雲頭盡白南北東西無所之
蓬蓬送汝百年客紫衫軟烏軍前來赭岑鵲岸開蓬萊
幽懷怫鬱倦昇涉織阿馭我空中臺天闕柏梁杳河漢

侯家金谷多塵灰，人間萬豔一冷齒。游心拓境聊徘徊，
一柱螺梯檻縵曲。穿廊出牖鳥旋複，啟闔風絃入綺窗。
翳歷簾衣五采玉，溟南石畫鋪文塼。甌西鈿漆鏤赤木，
曲櫺短薄紛爍磷。釘頭瓦縫皆芬郁，隈除瑳瑳通曲房。
玻璃瑩碧如房長，綠沈火齊屏幃飾。馱羊蹲雁華燈光，
卷舒機軸支胡牀。革茵風筦宜溫涼，塗金面器爍光怪。
水晶腳蹋隨員方，人禽山海列圖畫。陰陽界劃窮毫芒，
雲螭奩具大小鑱。蚶貝羅几縱橫張，表測鐘漏刻心腎。
鉤吾辟灌銅精良，西域鬼作胡能詳。犀象之屬千百強，
別追雲母象人裸。丹鑪龍虎梁鴛鴦，門鈴壁帶忽消息。

平頭奴出連篋側茶瀹加非冽以醲酒傾達利温而克
山雞割取佛蘭西雪麪羅將花旗國奉席薦俎不知名
鸞刀四射琉璃色不速客來十日歡無下著處百金直
主人衣絳病在幃鳩目蝸鼻身鳧鷺鉤駟通意託重譯
規附時事聞歔歔歐羅始大八百載昔何强盛今何衰
龍蛇構衅噪金鼓披猖重困俄羅斯犀渠鶴膝不給用
蜚芻輓粟勞且疲百貨抽頭戶出口鮫人淚落如縷縻
放鑄臧緼在鈎簿滄溟一戰盈哉虧江國東風動毛髮
夜堂春氣浮林樾東山先生心中悲扱衽欄楹看白日
華亭一角明秋毫九峰出沒吳淞濤海舶聚碇北牖口

沙船連榜南城濠賈胡萬金買尺土平地臺榭初蓬蒿
聖朝貴德賤異物嗟爾金穴徒煎熬銀燭樓陰路方直
石塘人語蟲啾嘈此時萬象寂不動舉頭但有蒼天高
北堂迢遞阻吳會北斗更在吳山外安得浮雲盡太空
神皋赤縣迴塵靄楚歌重困楚難謀氣稟神氣不餘風
登斗樓聽夷婦鼓瑟蘇餞大八百嫌昔西頭盤今西哀
飛費百尋雲幄光椒塗釦砌青廬障五花檀斲七寶牀
衣桁脂盃都梁香中坐厄利雲暉娘姿首奇哲日淺黃
蛾鬟蠹髮瑋瑁璫天鶯絨服金縷裳步搖矮墮雜佩鏘
珠垂繡錯下襴襜賈胡導我登玉房置身翠羽金支場

美人酌客紅霞觴雀釵撓酒蒲萄芳檀梨橄欖馬金囊
奇甘異果羅千行侏儻蠻馱鳥引惶類情通意心相將
杯闌攘腕愁仿徨起撫瑤瑟臨東廂絙絃五十悲且長
皇娥絕曲疇能詳安歌夷樂神相羊金徽玉柱機九張
小絃大絃抑若揚左句右撥首璆琅含宮嚙羽筳籥簧
角清徵激環無方天吳叫嘯冰夷鴉黑風黃海吹秋商
我聞圭黎宅西土薄賤生男貴生女雌龍作君野雞主
牀頭夫婿皆臣虜銅山銀穴供茹吐驅光逐景窮歌舞
有時走馬長楸下千金萬金戲賭武吁嗟夷醜外編部
抽剝中夏等刀俎鳩媒食人民氣苦朱提赤仄竭九府

豈知割肉瘡不補豔妻在室螫如蠱百寶雜貨賤土苴
爾膏爾血殉眉嫵輕袿長袖曲罷鼓迴身送客手相撫
延娟延娛美復睹解璫遺襪吾其與樓頭極望頗黎宇
萬里滄溟走風雨

夕次楓橋寄王瘦梅吳江

伊昔踐煙蘿君疾臥高閣帷幕垂新秋無心對花藥歸
失過門歡重負攜手約塵坌集中原人事動參錯意結
重成悲境疑百用度太湖深復深春雨吳山郭款櫂不
逢人南飛問烏鵲

吳門與羅子揚別

芳草長洲苑微風笠澤波春光空復爾宦味竟如何兄
弟關河老征徭日月多翦燈照杯酒相對起婆娑

別玉谿

清明吳會競絲管有客悲歌同禁煙冷落不知名父後
顛狂時露舊交前空堂白髮真吾與拳石孤花並可憐
何日龍池重看竹聯牀風雨佛龕眠

發無錫

十里芙蓉水上煙年年繫纜縣門前一灣人語市方曉
數點溪山春可憐竹澗林花紅冪冪石壇蘿月夜娟娟
浮蹤醒醉渾閒事惆悵風懷看少年

留別西卿

朝發奔牛口暮宿羅墅洲
不雨隘曲港終日留方舟
十畝水村北君子門闌幽
爰造竹中徑遂坐沙上樓
窗几自明月圖史供披搜
取攜江市酒旨有寒家脩
展拜出細弱燈燭連清秋
昔汝侍庭誥丈人歡我遊
稚子今汝侍對客能獻酬
俯仰三世閒那不霜盈頭
旁郡防盜賊僻壤修戈矛
飢凍日相邇道涂人未休
忽忽笑言散蕭蕭汗渚愁

丹陽留柬銘東屏

岳

擁權雲陽驛河梁壓縣門
道途狂客左節鉞武臣尊
練

水城隅寺平陵塔外村故人渺何處明月滿孤樽

雲陽驛留贈黃石舫

黃憲知名早朱方託迹偏通塗征繕地卑宦亂離年秋
寺花深發江城月屢圓家書開夢裏歸路失兵前遊子
鬢絲禿高堂淚點懸評書兼讀畫孤坐復愁眠浮世曾
難逆清才獨爾憐霜天感明發此別重悽然

江月

江月不知曉頽雲溼未收麥風吹野店樵響落山樓逐
處增新戍何年罷旅遊春光仍遠道客緒比涼秋楚幕
烏重集空城雀再愁廣陵煩重鎮太守軼同仇連巷移

時戰登陣一哭休早儲稽紹血竟徇杲卿頭不少草閒
活焉藏柱下羞干戈天浩浩雲海路悠悠銷損延津劔
飄零大澤裘傷懷迷出處涕淚滿東流

傷春七首

丙辰三月歸自上海聞揚
州再陷作於丹陽舟中

江上金鼉動地哀雲開白堊獨登臺澹煙喬木吳山遠
野水孤舟海燕來細柳營開仍漢將瓊花土黑又秦灰
旅懷黯絕春將盡寂寂南天斗柄回

晚日低垂兩鬢霜雲陽小縣柳條長荒城戍笛過寒食
流水桃花入戰場山野苦遲歸馬日煙波忍學捕魚郎
飄零劔佩家何處潦倒旗亭酒數行

回首長空鳥逝煙扁舟散髮宴平年川原京口開丹碧
花月揚州足管絃山郭松庵方外友溪橋草店杖頭錢
舊遊如夢橫吹角赤日谿衍萬嶺前
兵氣蒼涼臥夕虹烏烏蘆管急流東入江盡改金焦路
吹帽偏驚草木風荀勗宦非求晚達步兵哭可爲塗窮
餘生三逕瞻天遠一任蓬蒿亂菊叢

楊柳依依憶雪霏虛教牧馬一冬肥因糧下縣防深寇
伏枕寒江夢解圍南國林墟愁戴勝東山家室感伊威
沙邊夜起天中望如蓋芝雲翊紫微

垂衣九陛綜憂勤授鉞懸旄待使君鵬鴉奏功黃帝曲

麒麟圖像漢家勳長昏苦霧金山月不動高風鐵甕雲
心數南征迴氣象沙蟲猿鶴換新軍

老去尊生敵坎坷仰天狂笑復悲歌青牛函谷歸何晚
黃犬東門見已多百事退思甘草莽一家遠旅對淮河
故人相憶春遲暮雲水空堂掩薜蘿

寒江春晚

日銜沙尾寒潮長赤腳老漁飢蹋網山頭吹角戍旗閒
遠岸依微斷孤榜西南晚色潤州城春深那有黃鸝聲
一行白鷺過江去石槲松根人獨行

揚州太守行

孤城賊之遺賊來城復去賊去城復來太守今何處解一

古之二千石今益大其守太守能職之誦說徧萬口揚

之人曰惟我太守賊不來能父能母惟我太守賊來能

不走解二太守歿太守存字顯侯名世焜東山長白高其

門昔日太守南來擁五馬馳鸞輪所歷郡風雷霆意氣

一何飛翻今日薶無骨招無魂但有一女一妾日夕號

孤村解三緊何年城送賊城再墟賊誰馘城失太守太守

不失職解四嗚呼睢陽平原世罕睹今我太守其繼武峩

峩祠廟江之滸我魚我酤我稷黍揚州寒食悲千古解五

荒墳

五載龍川戍荒墳此日過友朋潛涕淚天地尙干戈
豪氣徒杯酒他生願釣箕草深碑沒字白月隱寒河

題露筋祠壁

三吳花柳暗天東海國飢烏叫遠空揚子江頭多戰壘
女郎祠下有孤篷漁燈淺水四更月草舍南鄰百歲翁
願學長生無暇日此身猶在亂離中

贈洪老人

人間萬路歧憂患失仙嶠淮流窮海堧石室踐煙篠湖
容萼龐眉雲氣委丹竈年齡倍我餘健碩讓翁少兵區
竭金笳官路叢嫖姚滿目多癰瘻無疾乞君療沖抱天

何如暮色損娛笑
回師陶唐人
培壤撰期耄
六十厭木
癯靜約錯
雛菀芻爽
有東榮
宴謚就游釣

心鄉往齋集卷十二

關州州人謝舉對照奉六十親太

[Faint bleed-through text from the reverse side of the page, including characters like 關州, 謝舉, 對照, 奉六十, 親太]